

江蘇府縣志輯

中國地方志集成

輯錄卷十

江蘇府縣志



中國地方志集成

江蘇府縣志輯 ③④

乾隆句容縣志

民國高淳縣志

江蘇古籍出版社 ● 上海書店 ● 巴蜀書社

中國地方志集成

江蘇府縣志輯 ③④

出版 江蘇古籍出版社

(南京中央路一六五號)

印刷 上海市印刷七廠

發行 新華書店

定價 上海發行所 一七一元

責任編輯 王華寶

封面設計 范一辛

1991年6月第1版 1991年6月第1次印刷

ISBN 7-80519-248-0 / K·128

重修高淳縣志序

高淳自明宏治四年始由溧水高淳縣志縣治正德九年縣令頓銳網羅舊聞
初修邑志是後嘉靖萬曆清順治康熙乾隆間遞有所修最後光緒七年
知縣楊福鼎復踵成二十八卷體例
最為完備迄今又浸尋四十年矣其

高淳縣志

劉序

間鴻儒碩德循良節孝臆舉雲興後
先繼起遺聞佚事往往散見於私家
著述碑傳行狀父老傳聞而惜無專
書紀載又况清季變法民國肇興庶
政維新多非舊有如改官制也更營
制也西人傳教也地方自治也停科
舉立學堂也裁保甲設巡警也田賦

改折銀幣也祀典遞有損益也革故
鼎新不一而足倘不及時裒輯年湮
代遠則一邑典章文物必有漸就沈
淪芒芴而不可復考者此留心文獻
者所為長慮卻顧而汲汲不可終日
者也民國四年冬予奉令承乏是邦
六年 省長伊通齊公議修通志聘

高淳縣志

劉序

二

金壇馮先生煦為總纂飭各屬續修
縣志作省志之初基適內務教育二
部亦有通咨轉檄下縣予遴聘吳君
壽寬總司編纂就署東偏七鄉公所
設局開辦吳君為一邑名宿今年幾
古希而好學彌篤文章行誼為士流
所宗於本邑掌故尤為熟悉所著鄉

土志及望雲軒文集皆於地方風土
有關常慨然以表彰幽隱蒐討故實
為己任故責成吳君一手編輯即以
七鄉董士分任採訪不另聘協修分
纂諸員以歸畫一舊志原板至今保
存無闕多仍其舊新志即斷自光緒
七年俾與舊志銜接按原有篇目各

從其類分門增緝每門於原書之尾
注明以上舊志以清界限惟隱逸流
寓仙釋三類無事實可摛撫姑從其
闕自餘概有所增又原書各圖皆因
循舊法疏舛實多茲特誣諉陳君紹
恩用新法測繪較之舊圖頗稱完密
經始於本年四月往復商榷予亦間

參末議至七月而稿本告成吳君仍
屬予是正併索一言弁諸簡首予逐
加句校見其叙次翔實修辭亦復高
簡有法允足信今傳後亟付剞劂又
閱月而書成烏乎是可以濟美前徽
揚光鄉邑也矣故為之誌其顛末如
此至域內湖山之清淑風俗之醇懿

水陸貨殖之豐饒覽者宜於志得之
不婁述也
民國七年戊午七月知高淳縣事肅
甯劉春堂序



前修志名氏

明正德

縣知頓銳

嘉靖

縣知劉啓東

縣知朱珩

萬曆

縣知項維聰

張大行

韓仲雍

刑振羽

刑繼鯤

高淳縣志

姓名

清順治

縣知紀聖訓

縣人王薇

吳會璋

孔盾叢

張正枳

刑夢沂

康熙

縣知李斯佺

史秉直

夏甲

夏賦臣

諭賈宗魯

周卿

吳朝賓

朱國棟

張應望

黃秉石

韓仲孝

沈啓文

虞虞

王上林

徐寅

刑振業

孔盾震

陳育初

諭葉楠

葛長祚

孔麟

吳本周

胡士藻

芮城

陳公揚

俞槩

諸陞

許夢芝

田濟國

孫自強

秦尚賓

吳山巍

陳毓璽

程嘉謨

葛黃裳

胡汝往

刑振岳

徐肇台

魏台

刑襄

唐明學

陳鳴雲

史何端仁

陳崑如

孫范

谷起鳳

吳期暢

夏甯

凌子儉

張子權

張司重

陳萬善

徐捷元

孫林古度

刑振岳

孫奏

吳會蘭

刑振岳

刑振岳

刑振岳

刑振岳

刑振岳

刑振岳

刑振岳

刑振岳

刑振岳

刑振岳

乾隆

縣知朱紹文

周蔚起

張世留

邢復生

光緒

縣知楊福鼎

縣人陳嘉謀

陶汝鼎

夏周勳

魏榮

錢舖

高淳縣志

姓名

周乃曦

楊榮

濮陽輝

萬奎藻

王克明

趙貴珍

史兆魁

韓泰

諭盛業

傅大來

劉為銘

王士勳

吳清標

陳嘉德

陶福增

邢鳳詔

邢鳳詔

趙席珍

邢鳳林

李培之

李培之

馬錫騏

湯振坤

杭一炯

趙慶

李鳴

濮陽和

葛謙吉

黃大樂

王良士

王朝樞

吳瑞榮

郭宮桂

孔昭雲

谷陽生

陳永和

吳之劍

李清英

葛廷舉

李潤之

李潤之

王長慶

施珍

孔慶學

孔繁元

楊一枝

楊湘

曹建章

史何昌業

孔繼年

孔繼先

許大文

倪為瓚

邢士楨

陳永和

邢藩臣

許燮陽

卞庭芳

孔憲果

孔憲果

李蔚然

魏俊

張桂林

谷蘭馨

王汝本

趙祖楨

夏芬

陳治

人邢景陽

趙弁

張紹岐

民胡鍊椿

武張裕釗

夏文源

吳壽恭

孫祥曾

孫上珍

王廷謨

荀英賢

王世培

葉連枝

張綱

張錫祺

孔廣漢

孔廣漢

孔廣漢

孔廣漢

孔廣漢

孔廣漢

孔廣漢

孔廣漢

孔廣漢

民國七年戊午重脩縣志名氏

高淳縣知事肅寧劉春堂裁正

警佐句容宋道鈺協裁

管獄高陽霍懿敬參校

邑紳士吳壽寬

李榮

劉庭燎

李輝

宋祺

張庠

王渭陽

邢玉成

魏熙載

史同文

王育英

李時中

張傳銘

陳嘉謨

楊學徽

陳義

卞彬

周于德

王兆鑑

施仁

谷會珍

陳維綱同脩

耆民唐建堃贊脩

高淳縣志

高淳縣志目錄

卷首

舊序 圖紀

卷第一

沿革志

卷第二

建置志

卷第三

山川志 上 下

卷第四

疆域志

卷第五

高淳縣志

學校志

卷第六

祀典志

卷第七

賦役志 戶口 土田 賦額 支給

卷第八

賦役考志 上

卷第九

賦役考志 下 鹽課 附

卷第十

官師表

卷十一

選舉表

卷第十二

郵典志 祥異志

卷第十三

祠廟志

卷第十四

寺觀志

卷第十五

古蹟志

卷第十六

列傳 名宦 鄉賢

卷第十七

高淳縣志

列傳 鄉宦

卷第十八

列傳 忠臣 義烈 孝子 義夫 文學

卷第十九

列傳 篤行 好義

卷第二十

列傳 隱逸 藝術 流寓 仙釋

卷第二十一

藝文志

卷第二十二

列傳 貞女 烈女 雙節

卷第二十三

列傳 貞節

卷第二十四

列傳 貞節

卷第二十五

列傳 貞節

卷第二十六

列傳 貞節

卷第二十七

列傳 殉難

卷第二十八

披軼 補遺

高淳縣志

三

舊序

古者列國皆有史官掌記時事晉之乘楚之檮杌魯之春秋漢班馬之史記漢書及歷代之書史是也今之有志即古史之餘國朝英宗睿皇帝嚮明聽治之暇命文臣纂修一統志頒行海內先取郡邑志以備采錄况仕於是者非此無以考俗而求治生於是者非此無以仰止而進修志之闕繫大矣余以癸酉春出知高瀆蒞學謁廟畢深維宦遊一方不可不知民俗之習尚賢喆之風教名宦之政績以爲化民成俗之助因首詢諸生欲得圖志而觀之僉謂茲邑之建甫二十餘禩未有能纂而輯之者余喟然歎曰後世之郡邑得專社稷山川之祭有政教法令之施儼古侯封固不宜無所紀述而高瀆爲京畿屬縣尤非他邑比諸生因進而請曰此誠邑之缺典願執事公餘有以纂而輯之豈非邑之大幸乎余惟

高瀆縣志

頌序

曾南豐氏謂古之良史者其明必足以周天下之理其道必足以適天下之用其智必足以通難知之意其文必足以發難顯之情然後其任可得而稱也余曷敢任此諸生請曰纂邑志所以備采錄也脫今固讓弗任則前無所稽後又奚自而傳哉遂不揆蕪陋采衆說摭遺事網列條分彙成今集第愧才非充洽學廢三餘不能無掛一漏萬之譽豈詳文核事之義哉諸生又以予忝操觚謂當序諸首簡故以始終纂輯之由筆其概而受梓焉若夫采取有未詳登載有未悉後當有博雅君子毅然以筆削爲己任倣史漢之法損益舊典爲一邑成書者此固今日纂輯之志也正德甲戌仲秋高瀆令頓銳序

高瀆建邑二十有三年知縣頓侯銳嘗考邑之故實而創志以傳可謂得爲政之要矣第縣自溧水分建志據舊牘成編一時咨詢

高瀆縣志

刑序

考傳記按圖籍毋自用焉是豈無所見耶况邑志之登載周詳所謂名物貫利者具備且寓春秋勸懲之法奈何今之從政者惟汲汲於期會簿書間若志乘則概眛爲文具漫不加意嗚呼治不古若有由然哉劉侯斯舉非獨俾一邑文獻足徵其於春秋勸懲之法焯乎在人耳目有功於高瀆豈小補哉余不佞僭書首簡亦幸託名於不朽云嘉靖丙戌當塗邢珣序

高瀆由溧水州分爲縣其地山川風景駸乎號名邑矣然今昔之因革制度之巨細天文地理之繁人物文章之富陳治道而觀風俗重倫理以寓激勸非筆之於書信今傳後何以稱盛典也正德間頓公始創爲志而筆削簡約事多未悉抑或有待於將來歟前任陳侯雖嘗肆力於此然有其具而已一時所紀山川道里民風土俗與夫人才物產掛漏居多蓋陳侯之從事者未久即謝去

宜其未能卒業也嘉靖癸未柳溪劉公以中州豪傑來知茲土視
事初卽祛積弊抑奸豪省冗費卹貧弱期月之間民咸受惠且好
古博雅而重禮教凡邑之壇祠學舍城郭橋梁倉庫廨宇經營殆
遍是皆昔無而今有創建而增美者也一日政暇蒞學言於宗魯
曰邑之有志猶國之有史載一代之實典志紀一邑之實蹟史
志之作炳乎可考况高濂王化首沐之地尤未可缺略遂謬委宗
魯以筆削之任就正於大方伯邢公而仍親爲校閱增入新事
補其舊遺自建置以至兵防學牧爲一卷自公署以至官秩人物
爲一卷又次之以壇祠古蹟及藝文外志計卷凡四爲類凡二十
有七大書爲綱細書爲目而志成焉迺捐俸授梓以表章之蓋微
劉公杰出之器高俗之才莫能勝此任也微邢公博洽之識製作
之工莫能定此編也則從前之闕遺而陳侯之有志未逮者閱是

高濂縣志 卷首 賈序

三

編庶幾躊躇滿志哉嘉靖丙戌仲夏教諭賈宗魯序

余視濂三載許微天之幸亦三載稔邑父老子弟相勗以常業雞
犬無恙桑麻蔚然顧而喜曰邑實庶余何能庇邑居無事事取
舊志讀之慨然嘆焉此誰非吾民之利病勸戒所繫而脫略乃爾
將何以重一方光千禩也於是秦生尙賓陳生毓璽吳生山巍輩
詣余以重修請余謝不敏然於義於時非所敢辭遂擇日開局講
編摩之役隸都邑者諏諸耆里隸學校者諏諸青衿隸故實者諏
諸縉紳先生各出所聞哀以膚見而授簡於吾鄉張君子檉以總
其事近期志成余以邑長當序簡首序曰邑有志所以紀載往跡
助流政教也志久而議修所以備因革著時變也桑田滄海陵谷
亦以遞遷大輅椎輪質文乘而異尙爲政者可膠一定之柱刻中
流之舟乎夫政之因也以時時之趨也以漸趨不可已也亦不可

極也爭乎時者禁之不趨也任乎時者逐之而趨也故爲政者不
禁其趨亦不逐其趨察乎時之所以來導乎時之所以往非詳核
於今昔因革之故其道靡由矣今嘗三復斯志而有慨於濂之因
革也因不必論論其革者官民二田也昔殊糧今一則矣馬場昔
種馬今改而租矣漕米國計也昔本今折矣鹽法民利也昔用單
今改食矣寺田緇流左藏也昔坐享而今且輸公矣他如戶減也
因而減里事省也并以省官揆情而宜度勢而順窮則變變則通
而濂民晏如也此非更張之善者乎乃可爲扼腕者曩者黑蜮爲
崇陽侯佐之蕩濂產十餘萬原野蕭瑟至不可支邇年以來復多
傳派今閱歲額如神宮監米豆光祿太倉折色諸費皆故籍所不
載先世所未起者田土則昔有而今無供億則昔無而今有誰實
生厲貽之梗乎是用列之條款別以新增後之人讀而維之卽未

高濂縣志 卷首 項序

四

能蠲新稅以復舊制亦不至開蟻穴以狗末流庶幾亦隨時拯溺
之策耳抑余猶杞慮焉故老爲余言文皇帝時齊尙書泰仕而見
誅人以儒諱里巷非襍襪則雜襪無咿唔者二百年來家絃戶誦
依然鄒魯彬彬文學矣嘉隆之際俗尙醇樸民環堵而居大布之
衣而今易以爽塏彫其桷椽被絲而曳縞者且絡繹道路也俗故
負氣見犯則較交手令尹之庭易爲輪服耳而今稍稍習規避矣
以質若彼以文若此時則使然夫盛者衰之因微者積之始吾未
知詩書禮樂之不爲浮靡嚆矢也吾未知宏厥鮮麗之不爲淫泆
前茅也吾未知聰利巧便之不爲知故赤幟也因時之宜挽趨之
極其在令是邑者與二三君子共圖之哉此余修志意也若夫名
賢嫩行貞女芳標清修拔俗之操慷慨好施之誼人有獨擅善有
殊稱亦各鉅細無遺詳略互見總之與善何害從寬毀譽吾無其

心知罪亦聽之矣覽是志者外驪黃而得之是為序萬歷三十四年丙午永嘉項維聰撰

往余輯建平志建平君曰闕文例也志大凡而可蒐羅稍疎不無掛漏焉適項令君目之謂亦足備一方典因閱高瀆舊志大以脫略為慨遂馳函邀余授筆札之役余至以修大指請則曰長世字民務在析利弊欲析利弊必考與革瀆自分壤來百有餘年其間事變屢遷若滄桑然不辨而紀於籍蔑以鏡俗求理矣語詳令君自為序中余歎曰令君其大有造於瀆至此乎夫奉藩守宇者率以刑獄錢穀期會簿書日不暇給稽古理文似非切務即事纂修又惟被飾厥章用垂名氏其於吏治民艱不必盡晰也亦多軌迹可遵里閭懾然安又無煩更更束也者而瀆則可異矣儒風民俗奢儉質文之趨既若狂瀾之莫砥其甚者滔天巨浸息壤難埋

高瀆縣志

卷首 項序

五

產沒民流日陵月削此還定安集之不遑而征求之額且迭增也令君謂田土則昔有而今無供億則昔無而今有此尤其扼擊痛悼之最切者蓋力能挽者既不顧利害以身肩之而格於時勢之不可為則務為憫恤若所云催科中撫字者而未已也悉列於籍用詔將來興革而利則永承宜仍興革而弊則亟當圖罷寓深慨於微詞於民瘼三致意焉皆令君所授指也令君英風霞爽才幹古今以鴻藻魁南宮出綰銅壘潔齊冬冰恩湛春露撫綏之餘猶屢靡聘之慮冀後之治瀆者按籍而究時艱隨力拯救猶之令君在事也甘棠蔽芾樾蔭依然所流惠於瀆者甯有涯矣則是舉也實此邑不可已之要典匪直具文也即翰墨為勲績矣不者山川方域猶故也建設儀文有昔規也食貨獻禮循用無改也往牒已載何復更為第余智困學瓶藝慚驅墨編摩無術竊擬輪轅所幸

邑有名公碩彥各勤採獵開廣聞見集眾美以俾余而飾陋翦蕪提撥領要則攝柄於令君余僅為次第之如此及期役竣為天文志者二地理志者一十有一人事志者二十有三總一十有四卷極知骯髒貽誚大方然記事述情視建志稍詳矣明年令君遷南水衡余再訪之白下會刻成為識顛末於末簡萬歷丁未孟夏朔鄭人張子權序

郡邑之志凡以核形勝考租稅稽戶口省諸俗據天下之雄圖驗已然之成蹟山川人物於是焉存社稷民人於是乎識賢良方正之選經術文章之用使博通吏治者前有所法而後有所懲則志之重於郡邑也久矣漢興取秦內府圖籍藏之以周知四方盈虛強弱之數緣是武功既張文教用修因時制宜治以彌古我皇清御籙以來政通人和百廢具舉諸如驛遞賦役之法悉經釐

高瀆縣志

紀序

六

定茲復崇文購書 諭臣工於政事之暇留心學問以故於禮部及督撫學臣諄諄申飭不啻再三聖訓不敏承乏茲土越有三載懼無以副 國家右文之意各憲委昇之心夙夜憂惶靡所甯息夫瀆之為邑也自明宏治四年分建今百六十餘年瀆之為志者三自永樂十七年通諭藩省郡縣各修志書正德甲戌涿鹿碩尹始創之嘉靖癸未羅山劉尹繼修之萬歷丁未永嘉項尹再修之歷今五十餘年勝國之季兵燹相仍故跡遺亡藏書闕略吏治民風湮沒弗彰者何可勝道聖訓下車即詢舊本正德嘉靖者俱不可得萬歷之志其本幸存謀之學博虞君孝廉三人邑弟子七人周爰咨諏不遺餘力搜遺逸訪故老兼聽並觀洪細畢採爰授乳山林那子纂輯之嚴加考訂以正魚魯聖訓為之減簿書省膏沐提綱挈要殫精研思罔敢逸豫逾三月而志成所為天象地輿民

風物產仕宦之出處賦役之輸將節孝之流傳文章之紀載皆班班可述其即古之圖籍郡邑所重者當在是歟凡圖四表四考三志十六紀一列傳四共一十八卷彙爲一書上之各憲以報鈞命俾他日輶軒過問於瀆邑風土盛衰政治舉廢瞭然如示諸掌庶幾上可以勸文治下可以嚴課最也後之守土者按圖求治亦可由是而知勉矣順治丙申邑令紀聖訓序

王者大一統山陬海澨皆入版圖瑞鳥祥雲咸登治譜矧其爲江東首轄聲明文物之區而又當至治昇平之日則凡山川形勝人物風俗足以備一代文獻之徵佐百禩苞桑之計者又何可以不志哉我

皇上御宇以來江澄河晏大猷丕振百度維新於會典一書加意彙輯又論各省督撫臣率所屬郡邑纂修志書以備參考典甚

高瀋縣志

李序

七

鉅也斯佳承乏茲土越有三載夙夜惴惴惟無以答 聖世文明之治是懼恭承憲檄曷敢以不敏謝顧瀆邑原非無志也粵稽禹貢分土揚州越商周而秦隋唐宋間遞隸深陽深水乃三湖之側有市廛無官舍至明宏治壬子始由溧水析爲縣屬應天自此爲志不一而明季兵燹之餘存焉者寡矣惟萬曆丁未纂於永嘉項尹者簡編未盡泯迨我 朝順治丙申甯津紀尹又從而增修之所謂山川形勝人物風俗不亦詳且備而無缺略矣乎雖然竊有說焉治一邑與治天下罔殊今之爲志與古之爲史亦罔殊春秋之作也嚴褒貶於一字即垂褒貶於千秋聖人維魯以維天下維天下以維萬世悉準諸此然則爲瀆志計修於創制之初紀載恐其不詳不備修於續緒之日筆削又恐其不信不公也竊茲 文命敢以循名失實貽譏大雅乎哉爰修禮聘謀諸學博葉君胡君

敦邑之鴻筆淵儒就局從事相與矢嚴矢慎昕夕孜孜或析疑文於故老或考時事於案牘如某山某水是何代所表識也某鄉某里是何時所釐定也某賢某宦或樹襜帷之望或增桑梓之榮無不可臚而指也綱舉目張有條不紊授之剗劂以告成功自茲以往殘烟斷井不致淪亡潛德幽光亦有定論執此報命庶幾太史陳風可簪筆而書善敗後有良吏按籍以稽大猷之莫無俟遠求所謂資一代文獻之徵佐百禩苞桑之計不在是歟不在是歟康熙二十二年癸亥仲秋邑令濟南李斯佳序

古者自太史采詩觀風而外列國各有史官以紀載一國之事秦漢而降變封建爲郡縣於是胥天下之山川人物政事文章一領於天子載筆之臣非其極重且鉅類限於方隅不得盡入編摩登諸冊府爲掌故蓋與區軼事之刺爲一方遺聞者多矣好古之士

高瀋縣志

李序

八

網羅放失自名一家則有若荆齊益襄交廣上黨三晉南燕南雍南徐諸州記又有吳錄會稽典錄等書凡正史所不能備者胥賅而存之至若華陽國志豫章舊志潁川海岱長安河南以暨陳留幽州人物等志義不改乎記錄體多準諸史法而名山石室之所留與柱下金匱之所儲遂相輔並行於天地此固英華所存不自闕過實一代之文獻關焉然則郡縣志之作豈不昉於是哉

國家表裏河山車書萬國監於前代郁郁乎文郡縣志悉有成書又嘗

詔修一統志各省通志
皇輿表雖在遐方僻壤咸得其耀乎光明余既治瀆之三年 制府大司馬黃公以纂修志乘檄所屬其指授務益振刷閭閻潤色大平用佐

聖天子日新又新之雅化甚盛典焉余深懼不克勝任爰會同教諭盛君勤齋訓導黃君韶音集邑之縉紳先生共商斯事諸縉紳翰金恐後快睹爭先迺推擇襄事者十有七人以應開館學舍授筆分編閱兩寒暑而告厥成功余竊謂志綜核名實可鏡廢興是典引之籍也激揚濁清足垂勸戒是風俗之書也蓋即古列國史不過是矣惟是博求於人而虚心於己始足以信今而傳後昔夫子作春秋使子夏行求十有四國寶書及其定禮每稱引老聃以證所聞今館諸君子於學密邇宮牆師承淵源以期是非不謬於聖人其庶幾乎夫淳之作邑近三百年邇頓迄李志凡五修自李侯至今近七十年其間所見異詞所聞異詞所傳聞又異詞非諸君子虚心而博求之或拘墟膠固紛紜異同奚以條辨蒼萃克告完本羽翼附麗於統志通志與表後仿諸記錄華陽豫章諸志以

高淳縣志

朱序

九

上同古昔列國史以補正史之所未逮有如是哉余不敏承乏以來年豐而民氣樂俗清而文治昭獲睹斯事之有成既以自喜又以慶
朝廷典章制度之全文物聲明之美卽庶方下國考獻徵文而有以釐職方之圖廣外史之掌也爲識此以敘諸首簡
乾隆十六年歲在辛未秋七月邑令三韓朱紹文序
高淳自明宏治四年始立縣正德中縣令頌銳肇輯邑志嘉靖丙戌迄
國朝乾隆辛未續修者五由乾隆辛未至今百有三十餘年時遷事貿紀載闕如光緒六年江甯謀修府志郡中合屬邑各以志上於是權高淳縣麗江楊君偕邑人士以六月開局纂輯粵十二月書成延余至高淳屬爲是正而弁言於其首且告以明年孟春之

月卽付梓矣余取其書觀之蓋乾隆辛未以前悉遵舊志乾隆辛未後各依類綴緝以次比附既周既慎固有訛舛駁遺於是爲序而歸之高淳北距江甯省治僅二百餘里東密邇蘇常諸郡然其風氣乃樸質純懿爲他郡縣之所不及始余至高淳自江甯買舟道太平入縣境重湖相襲平疇廣野彌望周歷井里訪問諺俗野無奇民市無環貨士大夫雖鼎貴出不以肩輿貧民亦無執輿轎之役者其民皆力農田奉法畏長官其士皆崇禮讓廉隅以儒素相尙任事於公必單心畢慮不避艱劬不爲己毛髮私利而粵逆之亂永成鄉士民倡義抗賊慷慨赴難忠義尤爲卓然江表人文科第冠天下然俗或傷浮薄抗巧高淳一邑獨純龐若是亦異矣古者天子省方巡守命太史陳詩以觀民風命市納賈以觀民之所好惡周官誦訓掌方志以詔觀事道方憲以詔辟忌以知地

高淳縣志

張序

十

俗訓方氏掌道四方之政事與其上下之志誦四方之傳道漢丞相張禹使屬潁川朱贛條天下風俗班固氏因之作地理志於民質良樸俗尙貞淫尤三致意焉風俗者天下所以治亂安危者也
有天下者甚重之風俗誠美民氣誠固何憂乎寇亂何畏乎遠人何憚乎邪說何恤乎奇技淫巧自世既衰民俗日壞而海內自道咸以來饑饉荐臻兵革繼起區寓凋耗生計迫戚民竄而俗益敝余走四方所至奇袤巧詐縫出不可究殫外侮內憂機牙潛伏有識之士以爲隱憂烏乎安得率土之內民風之懿皆如斯邑者哉
余既以時日迫遽於邑之舊聞軼事未暇考問翔實又其書皆已周慎詳覈誠不敢漫爲增損獨爲道其風俗之美以志余慕望之思又使在上者聞之知所以施治於高淳者且益旌異之使夫澆漓浮靡之俗有所觀示焉若夫章志貞教益興起人才墜風隆古

則在良有司與邑之士君子而已武昌張裕劍撰

邑之有志猶國之有史以記一國之典章非重大者不能入其
選志以紀一邑之故實雖繁瑣者亦得記其詳則邑志者直舉是
邦之天文地理學宮羣廟以及田土賦役之繁人物文章之富凡
有關政治得失繫民間風化者胥於是乎賅而存之上可以備輶
軒之采錄下亦足以資後人之考稽正不獨誇雄勝於山川修符
瑞於雲鳥已也然則修志之關係大矣哉同治戊辰余庖代淳溪
越三年庚午歲大熱邑人士有請修志書者余以兵燹之餘百廢
待興未遑也光緒己卯秋余復奉檄來宰斯土徼天之幸連年中
稔邑人士又以修志請余應之曰是邑之要務余之本意也其如
才疏學淺不能勝此鉅任何容徐圖之未幾奉上臺檄飭所屬郡
縣各修志書余雖不敏責無可辭謀之縉紳先生僉曰數過時可

高淳縣志

楊序

十一

惟使君命余竊惟淳地向屬溧水前明宏治壬午始析而為縣歷
廿餘年涿鹿頓尹問俗採風網羅放失而剏志以傳此淳邑有志
之權輿也自是而羅山劉尹修之永嘉項尹又修之迨我

朝定鼎甯津紀尹濟南李尹三韓朱尹相繼續修蕪者蕪之略者
詳之不雅馴者則從而潤色之而志遂燦然而大備且夫歷世既
久則事變迭乘大難既平則情形頓異自朱尹續修以迄於今百
有餘歲其間髮匪肆擾物換星移變態百出戶口減矣生聚者幾
何廟宇燬矣建復者幾何四境之田土昔全熟今半荒矣沈田之
浮糧昔賸累今豁除矣鹽法之疏銷昔計口今認引矣又況孝子
仁人貞女烈婦博學多能之士舍生取義之夫其湮沒無聞以待
後人之追究而闡揚者更不知凡幾此豈一二人之耳目所能周
爰咨諏而得其詳哉爰就學山書院諷吉開館先以夏君文源陶

君汝鼎等分區採獵繼以陳君嘉謀孔君昭雲邢君士楨陳君嘉
德總司彙纂不數月間陳君嘉謀等以稿本二十八卷授余且屬
以筆削余曰余固言不能勝此鉅任也薦賢自代可乎適蔣鶴莊
郡守為余言張廉卿先生品高學粹曾修首邑志遂延而館於書
院竊幸山斗在望執簡就正庶幾得所折衷矣而先生汪汪如千
頃陂使人莫測其涯涘不加點竄仍以原璧返不得已於公餘之
暇詳加披覽其書起乾隆辛未止光緒庚辰凡為圖四為類二十
有八增新事補舊遺綱舉目張得核事詳文之義兼收並蓄無桂
一漏萬之愆然後知廉卿先生之不易一言非漫為世故之周旋
也余喜在館諸君子之勤能俾余得藉藏鳩拙而又幸十年前以
所有志未逮者仍於吾身獲觀其成故綴數言以記其顛末云

高淳縣志

楊序

十二

光緒七年歲次重光大荒落仲夏暑高淳縣事滇西新之楊福鼎撰

高淳縣志卷首


新圖說

圖紀之作所以誌形勝辨界劃也舊圖載之詳矣顧所謂圖者莫要於紀方里舊圖未見及此於四境之里落處所未免間有參差是以此次縣圖採用開方之法逐一計算酌為推移雖未必毫末無差而大致似較正當縣治圖則無須更正若衙舍學宮兩圖規模猶是而改作已多蓋自有清末造以迄民國肇興其變遷之故已不止一二見溯前志修於光緒辛巳距今僅三十八年耳而今昔不同已若此世變之亟可勝慨哉自時厥後正未知又復如何爰就今言今另繪若干紙而仍以舊圖附焉後之覽者撫今追昔當不勝望古遙集於其間而故官禾黍之悲世界滄桑之感其亦有不能自己者夫

高淳縣志

卷首


新圖



高淳縣志


卷首

新圖




高淳縣四境圖

縣知事公署平面圖




陳紹恩繪



高淳縣志

卷首 新圖

學宮圖



(一) 學宮圖



高淳縣志

高淳縣四境圖

西山王之屏

高淳縣志
圖紀

邦國圖籍夏商以前未詳至成周而始著周禮土訓掌道地圖以詔地事職方氏掌天下之圖辨九州之國使同賈利下及戰國秦漢見于載籍者班班可考凡以莅官展采欲周知封內廣輪之數辨土物悉利害舍圖奚由也淳自析壤建邑以來雖環水以廬無城垣堞障視諸邑形勢稍異然而山川四塞言言伉立一邑之勝槩已具觀風之吏撫覽瞭然非鏡物求理之一端乎故首四境以挈全綱而縣治學宮舉領要地皆圖之所宜急他若前志所圖八景或十景徒涉誇張無裨政教槩為逸之非略也

